

松江府續志

卷二十九

祥異志

卷四十

拾遺志

松江府續志卷三十九

祥異志

前志祥異僅載至乾隆五十五年止以下闕如今自五十六年起據各邑志編載至里巷謠惑

之言鄉曲奇異之事無徵不信未敢妄書

乾隆五十六年辛亥歲稔

棉花價每斤至一百十文上海志

五十七年壬子冬煖十二月二十七日雷鳴

上海志

五十八年癸丑春河水生蟲色赤狀如蜈蚣長三四寸

暮始見是年大水

棉花斤直錢一百六十米連歲石皆錢五千餘

十二月甲戌

夜有聲如雷光如電自箕分至輿鬼而滅

或謂即天狗

五十九年甲寅秋七月七日大風雨海溢八月十八日

大雨歷十晝夜歲大稔

上海南匯青浦志

松江府續志

卷三十九

祥異志

一

六十年乙卯青浦東北鄉大饑

青浦志

嘉慶元年丙辰春正月大雪河冰傷麥及果植

青浦志

三年戊午春正月五日奇寒廚竈皆冰是歲旱

奉賢志並見各

邑志

四年己未秋七月大風雨海溢

上海南匯青浦志

九年甲子春霖雨夏五月雨連旬不止河水溢歲大稔

米價石七千

青浦志

十年乙丑豆麥不熟閏六月朔蚩尤旗見紫微垣

青浦志

秋大雨海溢

上海志

十二年丁卯夏六月大熱秋七月大星見於西有芒或

日彗也三四夜即滅

婁續志 青浦志

十三年戊辰春二月三月青浦河水忽鹹如鹵

青浦志 秋

八月上海三涇廟桃花盛開

上海志

十四年己巳冬奇寒黃浦澱湖盡冰

上海青浦志

十五年庚午夏六月雨雹

華亭青浦志

秋大熟穀賤

青浦志

十六年辛未夏六月二十三日夜西北有星芒溢三四

丈秋八月朔白虹見

婁續志 青浦志

十七年壬申秋七月白虹見

婁續志 青浦志

十八年癸酉冬十二月天鼓鳴

青浦志

十九年甲戌秋八月地生毛

華亭志 並見各縣志

歲大旱支港多

松江府續志

卷二十九

祥異志

一一

坂裂幹河不能通舟楫自春三月下旬不雨至秋七月

中旬始大雨豆稻多傷

上海志

是歲饑

唐堡有句云粟一斗破費青蚨五百

九水一擔買向街頭八十三見青浦志

二十年乙亥饑

華亭志

二十三年戊寅歲大稔

南匯志

秋旱木棉歉收

上海志

二十四年己卯夏五月青浦城中火延燒七十餘家秋

七月戊子黑虹見於西方是歲苦旱

青浦志

二十五年庚辰夏亢旱秋大疫須臾不救有一家傷數

口者

金山志 奉賢志

道光元年辛巳夏大疫秋雞翼兩旁生爪

並見各縣志

歲大熟

南匯志

二年壬午大旱奉賢志夏五月十七日午後大風自西來

中有物蜒蟪龍或曰也雷雨大作上海壞民舍數百楹毀學

宮兩廡及魁星閣上海志

三年癸未春二月大雨至夏五月方止秋七月大雨九

月亦如之是歲大饑米價騰貴並見各縣志

四年甲申春棉花價貴夏六月彗星見於西方秋大熟

青浦志

六年丙戌秋水川沙志

七年丁亥冬十二月大雨雪青浦志

松江府續志

卷三十九

祥異志

三

十年庚寅海溢華亭志

十一年辛卯七月十八日颶風潮溢是歲三月川沙城

牌樓橋側民家宰羊腹內小羊一如人形手足頭面皆

具川沙志野鷺食稻青浦志

十二年壬辰歲大稔青浦志上海徐家匯民家生一雞一

身兩頭兩翼四足上海志

十三年癸巳夏秋霪雨木棉禾稼多不實奉賢志八月籜

山出蛟冬歉收青浦志

十四年甲午春饑青浦志秋颶風兩日夜奉賢志

十五年乙未夏大旱六月六日迅雷雨冰雹十四日大

風一晝夜

金山志

十八日海潮漲過塘西禾棉藉以灌溉

歲稔

川沙志

十六年丙申連歲大稔米石二千文是歲春正月己丑

大雷雨

青浦志

十八年戊戌秋颶風海潮大作中秋見霜木棉鮮實歲

饑

南匯志

冬十二月除日天氣如仲夏夜大雷電雨

上海志

十九年己亥春正月朔雷三日大雪冰凍經旬夏五月

上海沈姓家生豬四耳二尾八足

上海志

秋九月乙卯地

震霆雨禾生耳

青浦志

二十年庚子初夏西北郊相驚有鬼火兵居民徹夜鳴

松江府續志

卷二十九

祥異志

四

籬不睡

婁志

上海有孕婦生一物人頭魚身色青又有

孕婦生一物似人頭無身有口齒秋七月城外雞兩翼

長毛俱翦去數莖鄉村皆然連日訛傳有割小兒外腎

者

一時皆裹大紅肚兜紅布爲貴上海志

二十一年辛丑春二月二十六日夜地震夏四月初天

南有白氣長二丈餘形如幅布日歿卽見月餘乃隱

婁續

志

秋七月初一日大風雨繼以冰雹

上海志

八月十六日

三鼓後大星隕西北聲如雷

婁續志

冬十月大雪三日雪

深六尺餘十二月朔地震

金山志

上海九團壩有鶴來翔

居人建亭以棲之踰月飛去

上海志

二十二年壬寅春地震夏四月天矢星見於西方青浦志

冬大雪地震華亭志

二十三年癸卯秋八月颶風大作奉賢志

二十四年甲辰冬十月二十日夜微雷有電二十三日

戊刻地震上海志

二十五年乙巳夏五月大雨雹六月地震二十九日夜

聞鬼聲上海志

二十六年丙午春三月地震華亭志六月十四日丑刻地

大震冬十月五日亥刻又震婁續志紅光隱見半空有聲

如雷是歲六月上海張姓家生豬兩頭二尾八足上海志

松江府續志

卷二十九

祥異志

五

二十七年丁未春霖雨旬日夏六月庚申地震眾星隕

乙亥大風潮青浦志冬十月地又震金山志

二十八年戊申春三月初一日無雲而雷夏六月二十

日大風雨潮溢道路成渠二十三日晨大雷雨忽吹西

北風有雪夏秋多風雨棉花至九月始開十六日驟寒

見冰歲饑上海志

二十九年己酉春二月霽雨連綿至五月高田皆水大

饑民食糠粃華亭志五十七餘文見南匯志六七月夜地屢震秋

冬疫青浦志九月朔川沙潮一日三至是年祝椿年捷秋

三十年庚戌春二月十五日雨黃沙華亭志仍饑米石六

千文秋稔

青浦志

八月望大風雨兩日水驟漲

奉賢志

咸豐元年辛亥春正月十七日夜子刻地震三月大雪夏

六月靈雨見雪上海北門外民家地出血

上海志

華亭盛

姓家產豬無尾一足如人手屈而捧腹指甲皆具冬十

一月初六日戌刻地大震

華亭志

青浦竹有花

青浦志

是歲

大稔

南匯志

二年壬子地生白毛

婁續志

六月二十日郡城街上有黑

綫一條自華陽橋至大倉橋而止是年大旱

華亭志

冬十

一月初六日地大震年月日並值壬子可異也

金山志

三年癸丑三月初七夜地大震初八初九又大震

華亭志

松江府續志

卷二十九

祥異志

六

夏五月彗星見

川沙志

秋七月天矢星見於西北五夜而

滅八月乙酉夜月明如晝空中有聲如磨

或曰天鼓或曰城愁未幾

有土匪之亂

天雨雪冬十二月天氣如春

婁續志

櫻桃皆實

是歲上海北門外地出血土生毛洪姓婦一

產三男面色一青一白一赤後困圍城中俱餓死七月

雷震西門城堞二十四日颶風大作兩日乃止

上海志

南

匯縣治大堂前楹無故自傾

南匯志

四年甲寅三月二十五日大雷雨雹夏六月初一夜雨

雹秋七月十六日午後震雷有二龍見雲際水聲如潮

華亭志 彗星見西方

金山志

地大震颶風大作冬十二月地

屢震

婁續志

是歲稻熟生蜚附根立萎歲大歉河中水潛

長二寸許冰爲裂

南匯志

五年乙卯春正月二十五日地震

金山志

二十九日晡時

空中有聲如礮數百里皆同

奉賢志

夏麥菜歉收秋大疫

九月戊辰天雷地震冬十月戊戌大雷電雨如注辛卯

地又震

青浦志

六年丙辰春正月屢雪大者盈尺

青浦志

二月天雨血三

日晨有黑雨冰雹

上海志

二十六日天狗墮自西北至東

南有聲

金山志

夏大旱自五月至六月不雨地生毛苗稿

婁續志

秋八月飛蝗蔽天城鄉俱有是月十一日潮日三

松江府續志

卷二十九

祥異志

七

至

華亭志 上海志云九月十日二十五日皆同

中秋後熱如夏蝗復來九月

霽雨不止田禾生芽

川沙志

七年丁巳春蝗孽萌生浦南尤甚夏閏五月十四日大

風震雷次日遺蝗皆盡

華亭志

六月十六日上海小南門

外民家地湧泉如血秋七月二十二日大風雨潮

溢八月陰雨連綿禾棉多損

上海志

八年戊午春有蝗上海沙岡竹岡地生毛七月十一日

潮日三至

上海志

九月有星孛於西北長丈餘上闕下銳

每夜移至西南而歿二十餘日乃隱

婁續志

九年己未地生毛

華亭志

春二月戊辰大霧

青浦志

三月初

六日彗星見於西方婁續志 夏六月四日夜有雪甚寒八

月二十一二十二日大雷雨二十四夜有濃霜寒如冬

令九月十七日空中有聲學宮櫺星門有聲如雷數夜

始息冬十一月徐家匯徐氏園中開紅牡丹一上海志

十年庚申春正月陰雨連旬二月五日復陰雨至三月

十三日大雪始開霽時金陵大營潰 閏三月初天雨血三日立

夏寒如冬令夏五月十四日夜有大星隕上海志 十九日

夜彗星見於西北光長尺許直指東南婁續志 浦東西兩

岸神火周夜不息青浦志 夏秋間地生白毛數寸金山志 秋

甚雨夜醜醜有聲或曰地愁青浦志 是年近海塘居民掘

松江府續志

卷二十九

祥異志

八

地得白米如飯數斗奉賢志

十一年辛酉春二月黃昏時聲若雷震紅光燭天金山志

夏五月二十六日有星孛於斗垣下長數丈婁續志 六月

大風走石秋八月十三日夜有聲自東南來如疾風送

雨至五鼓始絕十九日晚大雨忽聞空中啾啾鳴聲漫

天徧地居民無不鳴鑼吶喊冬十二月大雪深三四尺

華亭志 黃浦冰至正月十四日始解上海志 比年遭亂田荒

米價石十二千文青浦志 練蛇口吞一蛇亦赤色上海諸翟鎮

諸生拾得三足蟾一枚紫色足前一蛇後一川沙顧家路

口有白雀二飛集里人網得其一未幾破籠去南匯航

頭鎮浴肆衣箱

滴血見各縣志

同治元年壬戌春正月三日木冰奉賢志夏五月大疫秋七

月三日夜天忽開朗如晝頃刻即冥婁續志八月大雨雹

柴米大貴米每石十三千文柴每百斤七百文閏八月二十三日午後日

無光漸赤如血川沙志是歲二月上海東鄉池水生五色

蛇時髮逆尚竄浦左居民多投水死或以為血肉所化冬十一月徐姓家開白牡

丹一

二年癸亥春二月城鄉鬼嘯婁續志大疫奉賢志

三年甲子春三月三十日酉刻地震夏五月十日夜半

狂風大作傾倒屋廬無算樹木有為之拔者婁續志八月

望後不雨至十二月初始雨上海志

松江府續志

卷二十九

祥異志

九

四年乙丑春正月初八日大雪雷電華亭志夏四月至六

月陰雨不止秋七月有大星隕光如月冬十二月甲辰

大霧乙巳猶雷青浦志是歲五月十二日有黑龍自奉賢

青村港西市過朱店大風雨拔樹壞屋秋七月十二日

有黑龍自徐連橋而南奉賢志金山朱涇南鄉人家一雞

生三足一足在腹下金山志川沙顧氏田中麥秀兩歧川沙志

志

五年丙寅秋七月十七夜有星自東而西光如月奉賢志

八月八日海嘯二三時許始息川沙志九月十五日黎明

地震冬十二月七日又震婁續志

六年丁卯春二月上海莫家塘某姓墓有烏柏一株大十餘圍枯死數年里人伐之穴中得紅芝一枝三歧上有佛像皆跌坐徐家匯徐姓家雞生卵二枚巨如鵝子卵中又有卵殼白帶黃一如常生

上海志

七年戊辰春正月鬼火見冬十一月二十三日地震

金山志

八年己巳春正月十四日上海 文廟殿脊鴟吻有鵲

來巢

適禮樂告成占者以為文教昌明之瑞 上海志

水不為災

青浦志

九年庚午春正月二十七日夜青燐四起人聲大沸竟

夕而止

華亭志

松江府續志

卷二十九

祥異志

十

十年辛未夏六月十六日夜有光自東移西隕於地大於雞子火焰甚長二十六日夜東南有一星赤如火徐

徐下垂

婁續志

十一年壬申旱

青浦志

三月朔熱如暑八月地震九月桃

花開冬暖

南匯志

十二年癸酉又旱皆不為災惟穀賤傷農云

青浦志

春正

月二十六日黎明東方現赤光天陰竟日

川沙志

十三年甲戌夏四月乙未大陣雨兼冰雹有重至十餘斤者

青浦志

五月十八日夜西北有星光長二尺許直

指東南二十餘日而滅

婁續志

六月龍掛南匯邑城天冥

水聲如雷拔關帝廟一樹南 匯冬十一月朔日中有黑

子川 沙

光緒元年乙亥秋七月下旬陰雨八月朔大雨如注川港

皆溢禾棉歉收川 沙

二年丙子夏四月訛傳翦辮并紙人壓人城鄉皆然民

家門上爭貼籩籩籩籩四字秋七月始息六月十五日

黎明天色赤如臙脂約二刻許婁 續是月大風海溢漁

船多漂沒華 亭二十八日午後太白星見冬十月三十

日夜有大星墜空自東北下西南川 沙

三年丁丑夏五月二十三日大風拔木海水溢華 亭六

松江府續志

卷二十九

祥異志

十一

月四日夜半地震秋桃李花奉 賢先是飛蝗集泗涇一

帶越二宿而去七月初遺蝻復萌田禾間有損傷婁 續

十三日又大風金 山八月初九日初昏空中有聲如蚊

雷一時許始止如是者四五夜川 沙

四年戊寅春正月四日夜奉賢南橋塘有馬蚊無數隨

潮而入遲明不知所往二月三十日青村鎮一帶有大

蟻無數鼓翼飛舞據老農云是能害禾惟大風可吹滅

是晚果大風奉 賢夏四月五日至二十八日日月出入

時問有紫色欽 天 監 奏 據 占 者 云 主 旱 亦 主 兵 三 日 內 有 雨 則 解 川 沙 志

祥異志補遺

宋度宗咸淳六年庚午冬十一月大水

郭志

元成宗大德五年秋七月朔大風屋瓦樓楯掣入空中繼

而海溢殺人畜壞廬舍

顧志

九年丙午旱蝗明年饑

顧志

仁宗延祐三年丙辰大水

上海志

四年丁巳歲大饑

上海志

順帝至正七年丁亥秋八月十二日浦中午潮退未幾復

至

上海志

明太祖洪武十一年戊午秋七月海溢人多溺死

上海志

十八年乙丑至二十年丁卯水旱無收飢民至煮子女

松江府續志

卷二十九

祥異志

十一

為食

上海亭志

成祖永樂六年戊子夏四月大水

上海志

宣宗宣德七年壬子水災

上海志

英宗正統五年庚申水災

上海志

孝宗宏治七年甲寅秋七月大風雨海溢

金山志

十四年辛酉十一月大寒泖湖冰經月始解

婁縣志

武宗正德七年壬申秋七月二十五日大風海水暴漲冬

十一月冬至海上有火如列炬且聞金革聲民疑寇至

空巷出走是歲日下有黑景或三或四隱見不常

上海志

八年癸酉夏六月二十八日有星大如月光芒燭天食

頃而滅

上海志

世宗嘉靖十八年己亥春三月二十六日有白光從西北

來曳尾如練久之向西南墜聲若雷震

上海志

三十年辛亥大風拔木

郭志 遺事

三十一年壬子上海兵庫聲吼旗竿現火光

是年倭奴登岸焚掠

人民逃散

上海志

三十六年丁巳大疫

上海志

穆宗隆慶二年戊辰春正月朔旦大風揚沙白晝晦冥嗣

復大水

上海志

三年己巳秋九月八日暑如盛夏雷震九日寒如嚴冬

松江府續志

卷二十九

祥異志

十三

雷震達旦

上海志

神宗萬曆七年己卯大水

上海志

十七年己丑上海閔姓家驢生卵一大如毬堅如石

郭志

遺事

十九年辛卯夏六月大水秋七月辛巳大雨徹晝夜海

溢平地水深數尺者幾百里漂沒廬舍人畜無算

上海志

莊烈帝崇禎十三年庚辰冬十一月乙酉冬至大雷雨

華亭

志 是年天雨鍼其細如繡鍼人家釜底或畫龍虎或花

草或佛字

五茸志 逸

十七年甲申春正月朔大風霾夏亢旱水竭

上海志

國朝順治三年丙戌春二月十九日鬼號白晝徧城市冬

十二月上海姜姓家雞翼生爪長寸許高飛而去上海志

七年庚寅歲饑花米騰貴上海志

九年壬辰夏五月二十六日午刻龍見於華亭葉榭鎮

其一飛至張澤風雨晦冥摧屋拔木華亭志

十一年甲午夏六月二十二日大風雨海溢人多漂沒

上海南匯志

十三年丙申秋八月訛傳選女入宮一時嫁娶殆盡九

月初十日地震冬十二月十六日復震上海志

康熙二年癸卯春正月十三日有龍自北而南全身俱見

松江府續志

卷二十九

祥異志

十四

後隨一鯉長三四丈去地頗近是歲大疫上海志

三年甲辰夏六月十七日地震翌日地生白毛雙縣志冬

十二月自己未至晦日每日初出及晡日下復有一小

日久之化為百千摩蕩滿天嘉靖三十四年十二月十九日亦有此異三岡

識畧

四年乙巳秋九月柘林金姓婦產一子四手四足目生

額間耳生額上三岡識畧

五年丙午冬十月十一日四更有大星見東南眾小星

隨之或上或下倏左倏右大星隕小星亦隨之隕三岡識畧

六年丁未春正月二十日昏時東北有火光燄燄如焚

漸滿西北登高望之見赤氣亙天逾時而滅上海志

七年戊申春正月二十七日酉刻天槍星出西南指東

北上下皆銳長至五六丈數日而滅或云大水至夏果有地震水發之

變見前志
三岡識畧

十四年乙卯夏閏五月郡城東門民家李樹生黃瓜華

亭三十保地方黃瓜生茄三岡識畧

十七年戊午秋七月初四日上海下微雪八月初八日

東南天有聲如湯沸自戌初至亥正始息三岡識畧

十九年庚申金山衛城水災禾稼多壞金山志冬十一月

朔日初沒有星吐白光自西南指東北圍尺餘其長竟

松江府續志

卷二十九

祥異志

十五

天上下皆銳至十二月初始隱三岡識畧

二十年辛酉秋八月馬嶠寺東張某妻生子眼居額上

頂生兩肉骨口列四齒華亭志

二十五年丙寅大風雨屋瓦皆飛逾拱柿樹劈為二上海志

志

二十九年庚午冬十二月大雪旬有五日二十八日又

雪深二尺凍死人畜無數至明年正月初六七八九日

雪愈劇據百歲老人云有生以來所未覩三岡識畧

三十一年壬申春二月二十九日左營韋元鼎廨中雄

雞生二卵三岡識畧

三十二年癸酉夏六月初五日午刻日暈內作青色外
有赤黃暈二重至申始滅

三岡
識畧

三十五年丙子秋七月二十三日天未明大風雨空中

赤光灼爍聲若霹靂至暮水沒過膝摧折屋宇壓死人

畜無數

三岡
識畧

三十七年戊寅夏四月二十四日雨雹大如棗

上海
志

三十九年庚辰秋七月暴風三晝夜不息禾棉盡仆

上海
志

志

五十二年癸巳夏六月至七月大旱八月大風潮歲歉

南匯鄉間生人面豆眉目口鼻皆肖

南匯
志

松江府續志

卷二十九

祥異志

十六

六十一年壬寅春二月初四日大風揚沙日暗無光十

二十三兩日上海並一日三潮夏六月上海潘姓妻一

產四女一赤一黑二白色

上海
志

雍正六年戊午夏四月大疫鄉人謂之蝦蟆瘟

金山
志

乾隆六年辛酉秋七月十八日大風雨海溢

上海
志

十七年壬申故尚書王日藻園中生芝壽星庵有泉平

地湧出

華亭
志

二十六年辛巳秋九月至十月杪霽雨五十餘日禾不

得登穀半朽於田

華亭
志

二十九年甲申夏五月地震

華亭
志

秋大風拔木

上海
志

三十一年丙戌秋大風潮壞廬舍冬奇寒河水盡冰上海志

三十三年戊子春三月民家門上忽有紅圈紅字郡城

內外都徧華亭志

四十九年甲辰夏霽雨秋大疫上海志

附祥異志攷證

元皇慶二年大風海水溢郭志及華亭上海婁志皆元此云二年誤

延祐元年大旱袁介有踏災行據上海志當作七年庚申郭志亦作庚申

但誤七為元耳袁介踏災行有明嘉靖三十年辛延祐七年三月初之句可證

亥地產白毛郭志作三十年壬子案壬子係三十一

松江府續志

卷三十九

祥異志

十七

誤脫一字耳前志竟改作辛亥殊誤

崇禎十七年華亭縣學火焚兩

庶注郭志案郭志原文作華亭縣火焚兩庶無學字故華亭舊志亦作縣衙火焚此增一學字誤

國朝順治四年自夏四月以下數事考諸各縣志俱係五年戊子事前志誤混入四年

雍正九年秋七月連日颶風此條注金山志案金山舊志原文係十年

壬子秋七月事證以婁志南匯志皆合前志以十年七月事繫九年七月下而漏卻九年蠶生歲饑事殊誤

乾隆二十四年彗星見南方注婁志考此載青浦志婁志無此文

松江府續志卷三十九終

